

ANALISIA

■ Pello Urzelai

IKUSKERA. EAeko Hauteskunde Batzordeak EAJ-EA koalizioari doako tarteak ukatu izanak lehia politikoaren jokalekuari buruzko gogoeta batzuk eragin ditu. Sabin Intxaurrea Justizia sailburu eta EAJ-EAko hautagaiak futbolaren metafora erabili du: Espainia eta Euskadiko selekzioen arteko partidarekin alderatu du hauteskunde lehia (kasu honetan jokalaria nafar, lapurtar, eta zuberotarrek tokirik ez daukatela ahaztuta), arerioaren zelaian eta erositako epailearekin jokatzeko ari dela gehituz. Juan Mari Juaristi EAJko GBBko lehendakari eta koalizioa hautagaiak bi irudi erabili ditu euskal abertzaleek Espainiako estatutoterekin duten lehia adierazteko: batetik, David eta Goliathen arteko borroka eta, bestetik, elefantea eta

Elefantea eta txingurria

txingurriaren artekoa. Egoera erreal bat islatzen duten metaforak direla esan daiteke, hauteskunde kanpainaren aurreko mugimenduei so eginez gero. Estatutaren tresnak jarrita daude PP-PSO-Eren garaipena laguntzeko. Esanguratsua izan da oso errendizioaren aldeko mezua zabaltzen Estatuko fiskal buruak eskainitako elkarrizketa. PPko presidente autonomikoak –Miguel Sanz baren– Mayor Oreja babesteko mobilizatu dira. *Libertad* plataformak manifestazio bat antolatu du gaurko. *Basta Ya* izenekoak mitin bat egingo du datorren la-

runbatean PP eta PSO-Eren alde. Arzalluzen kontrako liburu baten argitalpena, *Salbuespen egoera* izenburukoarena edo Ermuko Foroaren aldizkariarena ez dira kasualitatea. Espainiako komunikabideak erabat lerraturik daude...

IRTEERA. Bistan da PP, PSO-Eren laguntzaz, gehiengo absolutuaren bila doala eta horretarako bitartekoak jarri dituztela. Abertzaleen aldean, bi hauteskunde estrategia nagusi antzematen dira. Batetik, gehiengo erlatibo bati esker beste bi multzoak mugiarazi eta baldin-

tzatu nahi dutenak (EAJ-EA). Palanka bihurtu nahi dutenak. Bestetik, gobernagarritasunaren giltza eskuratuz alderdi abertzaleak burujabetzaren aldeko bidera eraman nahi dituztenak (EH). Abertzaleen artean elkar baldintzatzea legitimoa izan daiteke, baina txingurriaren irudia ahaztu gabe. Zeren eta EAJ-EAk amestutako gehiengo erlatiboak ere ez baitirudi nahikoa izan daitekeenik *elefanteari* aurre egiteko. Are gehiago, inkesten emaitzak ikusirik eta PP-PSO-Eren gehiengo absolutuaren alde jarritako tresneria kontuan harturik gehiengo erlatibo hori urrun somatzen denean. Arerioaren zelaian eta erositako arbitroarekin, sutsu eta trebe jokatu beharko dute abertzaleek emaitza onak lortu nahi badituzte.

PP. Gehiengo absolutua lortuko duen alderdirik ez dela izango uste du PPko hautagaiak

Agentziak | GASTEIZ

Blokeen arteko pentsamoldetik ez du ihes egin nahi Jaime Mayor Oreja PPko lehendakariak. Bere ustez bi bloke daude: aldaketaren alde daudenak, eta aurkakoak. Eta eztabaida hori eta ez besterik izan behar dela adierazi du, eta, bide batez, PSO-Eri jakinarazi dio ez nahasteko abertzaleekin batera joateko aukerarekin.

«Hauteskunde kanpainarako astebete geratzen da, eta eskatzen dut fokoa garbi izateko. Izan ere, eztabaida da Ermuan antzeman genuen aldaketa sozialak indar nahikorik izango duen hautes-kutxetan, batzuk iragarri genuen aldaketa sozialak indar nahikorik duen aldaketa ahalbideetako», adierazi zuen Mayorrek kazetariekin izandako gosarian. PPko hautagaiak ez zuen PSO-Eko idazkari nagusiaren izena aipatu, baina hari zuzendutako hitzak ziren.

Zapaterok eta PSO-Eko agintariek azken egunotan zalanztan jarri dute PP-PSOE aliantzaren ezinbestekotasuna. Hala, jeltzaleekin batera gobernatzeko aukera ez dute baztertu, beti ere Konstituzioaren eta Estatutuen muga onartuko balu EAJ-EA koalizioak.

Mayorrek PSOE bere aldean nahi du, abertzaleen aurka jotzeko. Hala adierazi zuen atzo: «Eztabaida egin behar dugu aldaketaren alde egin genuenon eta aldaketarik nahi ez dutenen artean. Horregatik ez da eztabaida taktikoa».

Aldaketaren aldekoek «erraz» irabaziko dutela esan zuen Mayorrek. «Emaitzak aurreikuspen guztiak gaindituko dituzte. Erabatekoak eta itxaropentsuak izango dira aldaketaren eta askatasunen alde», esan zuen.

Gehiengo absolutua lortuko

«Aldaketa» ekarriko duten emaitzak segurutzat jo ditu Mayor Orejak

Eztabaida aldaketaren alde eta aurka daudenen artean egin nahi du



PEDRO VALBUENA / EFE

Jaime Mayor Oreja PPko lehendakariak, atzo Gasteizen kazetariekin egindako gosarian.

duten galdetu zioten Mayorri, eta hau erantzun zuen: «Emaitzak euskal erara izango dira. Hau da, PPk ez du gehiengo absolutua lortuko, eta hautesleek ez dute EAJ merezi duen modura zigortuko».

Mayor Orejaren ustez, inkeste ez dute azaltzen gizarteak «benetan» pentsatzen duena.

JAIME MAYOR OREJA

PPko lehendakariak

«Emaitzak erabatekoak eta itxaropentsuak izango dira aldaketa sozialaren eta askatasunen alde gaudenontzat»

Izan ere, PPren eta PSERen eserlekuak bilduta ere gehiengo absolutua ez dutela lortuko iragarri baitute inkestek.

«Beldurra dago», adierazi zuen PPko lehendakariak inkestei garrantzia kentzeko, baina erantsi zuen: «Gizarteak beti erantzun du bidegurutzean izan denean».

‘ASKI DA’

PP eta PSE-EEren zerrendak babesteko mitina antolatu du ‘Aski da’ plataformak

Agentziak | DONOSTIA

Aski da plataformak bere babesa eman die PP eta PSE-EEren hauteskunde zerrendei, atzo Carlos Martinez Gorriaran, Carlos Totorica eta Ernesto Santaolaya plataformako kideek prentsaurrekoan jakinarazi zuten. Taldearen ustez, «mehatxatuak eta erasotuak izan diren pertsonak gobernatzen dutenean, orduan bakarrik izango da normalizazio politikoa» EAEn.

Bi alderdien zerrenden aldeko ekitaldia antolatu du Aski da plataformak apirilaren 28n Donostiako Kursalean. Jose Maria Calleja kazetariak eta Maite Pagazartundua PSE-EEko zinegotziak aurkeztuko dute mitina. Bertan izango dira, besteak beste, elkartearen bozeramaile Cristina Cuesta, Fernando Savater filosofoa, Agustin Ibarrola eskultorea, Mikel Azurmendi irakaslea eta Miguel Angel Blancoren arreba Marimar Blanco.

«Dei egiten diegu herri-tarrei Askatasunaren aldeko eta Indarkeriaren kontrako ituna sinatu zuten alderdiei, eta Konstituzioa eta Estatutua babesten dutenei emateko euren botoa, oinarritzko akordio horiek gabe egoera politikoa zatiketa sozialetik gertu izango baita beti», esan zuen Martinez Gorriaranek.